

106

30. maí

## AUGLÝSING

## um bann gegn fýlungatekju og hagnýtingu fýlunga.

Með tilvísun til laga nr. 70 7. maí 1940, um varnir gegn fýlasótt, er hér með bönnuð með öllu fýlungatekja á Íslandi, svo og hvers konar hagnýting fýlunga. Hins vegar er heimiluð veiði fullorðins fýls (vetrarfýls) og hagnýting hans, svo og fýlseggjatekja.

Ákvæði auglýsingar þessarar gilda þangað til öðruvísi verður ákveðið.

*Heilbrigðismálaráðuneytið, 30. maí 1940.*

**Stefán Jóh. Stefánsson.**

*Gústav A. Jónasson.*

107

6. júní

## REGLUGERÐ

## fyrir sparisjóð Þingeyrarhrepps á Þingeyri.

## I. Ábyrgð og stjórn sjóðsins.

## 1. gr.

Sjóðurinn heitir Sparisjóður Þingeyrarhrepps. Ábyrgðarmenn sjóðsins mega fæstir vera 20, og skulu þeir allir vera búsettir í Þingeyrarhreppi.

## 2. gr.

Sérhver ábyrgðarmaður skuldbindur sig skriflega til að ábyrgjast skil af hendi sjóðsins með allt að 100 króna framlagi, ef sjóðinn brestur.

## 3. gr.

Fækki ábyrgðarmönnum af gildum orsökum, svo sem við andlát eða burtflutning, svo að færri verða en 20, ber þeim, sem eftir eru, í samráði við stjórnarnefndarmenn sjóðsins, að útvega nýja ábyrgðarmenn og taka þeir á sig skyldur samkvæmt 2. gr.

## 4. gr.

Stjórn sjóðsins skipa 3 menn. Eru tveir þeirra kosnir á aðalfundi af ábyrgðarmönnum. Hlutfallskosningu má viðhafa, ef ósk kemur fram um það á fundinum. Þriðji maðurinn er árlega kosinn af sýslunefnd Vestur-Ísafjarðarsýslu. Skipta þeir með sér störfum þannig, að einn er formaður, annar féhirðir og hinn þriðji bókarir eða meðstjórnandi. — Starfslaun til þeirra ákveða ábyrgðarmenn sjóðsins.

## 5. gr.

Ábyrgðarmenn og sjóðstjórn halda árlega aðalfund á Þingeyri, á tímabilinu 1. til 31. marz. Boðar stjórnin til hans með minnst þriggja daga fyrirvara. Aukafundir skulu haldnir þá er formanni þykir þurfa eða helmingur ábyrgðarmanna óskar.

Á aðalfundi skal endurskoðaður reikningur síðasta árs lagður fram og fari fram atkvæðagreiðsla um hann. Stjórnin gefur og yfirlit yfir hag sjóðsins, og gera fundarmenn þar ákvarðanir allar, er ástand sjóðsins og fyrirkomulag útheimtir.

Úrslitum mála á fundum ræður meiri hluti greiddra atkvæða, þó þurfa  $\frac{2}{3}$  allra ábyrgðarmanna að vera á einu máli, ef breyta skal reglugerð þessari. 107

Fundir eru lögmætir, ef meiri hluti stjórnar og meiri hluti ábyrgðarmanna er mættur.

#### 6. gr.

Stjórnarnefndarmenn sjóðsins bera, allir fyrir einn og einn fyrir alla, ábyrgð á því, að ekkert af fé hans fari forgörðum fyrir hirðuleysi.

#### 7. gr.

Starfstofa sjóðsins er opin hvern föstudag kl. 4—5 e. h., nema helgur dagur eða almennur fridagur sé. Féhirðir sé þá ætíð viðstaddur og annar hinna stjórnarnefndarmanna með honum. — Fjölga má starfstundum ef þurfa þykir.

#### 8. gr.

Bækur sjóðsins skal færa þannig, að ætíð sé auðvelt að sjá, hvernig fé hans er tryggt, hvernig reikningur hvers viðskiptamanns stendur, og hvernig heildarhag sjóðsins er háttað. Heimilt er og hverjum viðskiptamanni að sjá reikning sinn í bókum sparisjóðsins, hvenær sem starfstofa hans er opin.

### II. Endurskoðun.

#### 9. gr.

Endurskoðendur sjóðsins skulu vera tveir og kosnir af sýslunefnd Vestur-Ísa-fjarðarsýslu.

Þeir skulu rannsaka framlagða reikninga og, ef þurfa þykir, bækur og skulda-bréf sjóðsins og athuga hvort rekstur sparisjóðsins og stjórn er í fullu lagi. Finni endurskoðendur misfellur á reikningshaldi eða rekstri sjóðsins, ber þeim að sjá um að sjóðstjórnin bæti úr því.

#### 10. gr.

Deili endurskoðendur og stjórnina á um einhver þau atriði, er endurskoðuninni kemur við, þá leggst sá ágreiningur, ásamt rökstuddu áliti beggja aðila, fyrir næsta aðalfund. Rannsakar hann málið og úrskurðar deiluatríðin, þó innan þeirra takmarka, er lög kunna að setja.

### III. Samlag í sjóðinn.

#### 11. gr.

Sjóðurinn tekur við fé til ávöxtunar, í fyrsta skipti eigi undir 5 krónum, en eftir það minnst 1 krónu í senn.

#### 12. gr.

Þeim, er í fyrsta sinn leggur inn fé til ávöxtunar, er fengin viðskiptabók, sem hann greiðir 100 aura fyrir. Í hvert skipti, sem fé er lagt inn eða tekið út úr sparisjóðinum, skal það um leið vera ritað í viðskiptabókina. Þó má í sérstökum tilfellum taka við fé án þess bókin sé sýnd, en þá gegn kvittun bókara og féhirðis.

Fyrir innlögum og úthorgunum kvitta tveir úr sjóðstjórninni í viðskiptabókina, og er það full sönnun fyrir greiðslunni. — Sjóðstjórnin löggildir viðskiptabækurnar.

#### 13. gr.

Glatist viðskiptabók ber eiganda hennar að snúa sér til sjóðstjórnarinnar, sem annast um að handhafa hennar verði stefnt samkvæmt 2. gr. laga um sparisjóði nr. 44 3. nóv. 1915. Kostnaðinn greiðir eigandi.

107

6. júní

14. gr.  
Ef sérstakar ástæður eru fyrir hendi getur sjóðstjórnin neitað um viðtöku á fé í sjóðinn, eða gert að skilyrði að féð standi óhreyft allt að einu ári.

15. gr.

Eigi skal þeim, sem óviðkomandi eru, sagt um inneignir einstakra manna í sjóðnum.

#### IV. Vextir.

16. gr.

Af fé, sem sjóðurinn ávaxtar, greiðir hann í vexti 4% á ári. Eigi greiðast vextir af minni upphæð en 5 krónum og reiknast frá og með 1. degi í næsta mánuði eftir að inn er lagt, til 1. dags í þeim mánuði, sem út er tekið, og eigi í minni hlutum en heilum aurum.

17. gr.

Vextir reiknast eftir mánuðum þrítugnættum til 31. desember ár hvert, sem er gjalddagi sjóðsins, og sé ávaxtanna þá ekki vitjað leggjast þeir þegar við höfuðstól sem innstæða.

#### V. Uppsagnir.

18. gr.

Uppsögn á innstæðufé fer fram munnlega eða skriflega á skrifstofu sjóðsins. Skal hún innfærð í þar til gerða bók, ef féð er ekki þegar greitt. Engu fé má segja upp fyrr en það hefir staðið 6 mánuði í sjóðnum.

Eigi er skylt að greiða upphæð frá 100—200 kr. með minna en mánaðar fyrirvara; 200—500 kr. með þriggja mánaða fyrirvara og stærri upphæðir með misseris fyrirvara.

19. gr.

Rétt hefir sjóðurinn til að afhenda féð hvenær sem er, eftir að því hefir verið sagt upp, enda eigi skylt að svara vöxtum af uppsögðu fé, eftir að greiðsla var boðin.

20. gr.

Sjóðstjórninni er heimilt að segja lausu fé, sem er á vöxtum í sjóðnum, með þriggja mánaða fyrirvara.

Sé innstæða greidd að fullu, skal viðskiptabókinni skilað án endurgjalds. Sé bók útskrifuð, fær eigandi hennar aðra bók ókeypis ef hann vill halda viðskiptunum áfram.

21. gr.

Ef eigandi innstæðufjár, eða erfingjar hans, vitja ekki innstæðunnar eða vaxta af henni og gera enga ráðstöfun um hana í tuttugu ár, og gefa sig heldur ekki fram innan 6 mánaða eftir að áskorun um það hefir verið birt í blaði því, er flytur stjórnarvaldaauglýsingar, þá er innstæðan með vöxtum orðin eign sjóðsins.

#### VI. Útlán.

22. gr.

Fé sjóðsins skal gera arðbært með því:

- a. að ávaxta það í banka,
- b. að lána það út gegn veði eða víxlum,
- c. á hvern annan hátt, er stjórnarnefndarmenn allir telja tryggan.

## 23. gr.

Stjórnendur sjóðsins mega hvorki taka lán úr honum né ábyrgjast lántöku annara.

Kaupskýslumenn og forstjórar verzlunarfyrirtækja skulu ekki eiga sæti í stjórninni.

## 24. gr.

Vexti af lánum skal ætíð greiða fyrirfram, minnst fyrir eitt misseri. Séu þeir eigi greiddir í gjalddaga aukast þeir um tvo af hundraði unz lokið er, og séu þeir ekki greiddir innan árs skal ganga að veði eða ábyrgð og fyrr, ef stjórn sjóðsins telur nauðsynlegt.

## 25. gr.

Allan kostnað við rekstur sjóðsins, svo sem bækur, ritföng, prentun, auglýsingar, ljós, hita, starfslaun o. a. þ. h. skal greiða af ágóða sjóðsins.

**VII. Varasjóður.**

## 26. gr.

Allan ársarð af rekstri sparisjóðsins, að frádregnum kostnaði samkvæmt 25. gr., skal leggja í sjóð, er nefnist varasjóður.

## 27. gr.

Varasjóður skal vera í tryggum eignum, auðseldum verðbréfum eða inneign í Landsbanka Íslands.

## 28. gr.

Varasjóður er til þess ætlaður að standa straum af tjóni því, sem sparisjóðurinn kann að verða fyrir, og skyndiútborgunum á uppsögðu fé.

Varasjóðnum má þó ráðstafa á annan hátt, ef  $\frac{2}{3}$  hlutar ábyrgðarmanna samþykkja það á löglega boðuðum fundi. Skal þess getið í fundarboði, að tillaga um það verði borin fram.

**VIII. Breytingar á reglugerðinni.**

## 29. gr.

Reglugerð þessari má ekki breyta nema  $\frac{2}{3}$  hlutar allra ábyrgðarmanna fallist á það á löglega boðuðum fundi, enda hafi þess verið getið í fundarboði, að breytingartillögur yrðu bornar fram.

## 30. gr.

Um þau atriði í málefnum sparisjóðsins, sem ákvæði þessarar reglugerðar ná ekki til, fer samkvæmt lögum nr. 44 3. nóv. 1915 og lögum nr. 83 26. apríl 1935, ásamt reglugerð nr. 19 frá 5. maí 1917.

**IX. Ákvæði til bráðabirgða.**

## 31. gr.

Þar til innlausn allra veðskuldabréfa, sjálfsábyrgðarskuldabréfa, víxla og annara trygginga útgefnum til handa Sparisjóði Vestur-Ísafjarðarsýslu á Þingeyri hefir farið fram, skulu öll slík skjöl vera í eigu Sparisjóðs Þingeyrarhrepps.

Jafnframt ber að vitja allra innstæðna og vaxta af innstæðum, er sami sparisjóður hefir hingað til ávaxtað, til Sparisjóðs Þingeyrarhrepps, og hvílir á þeim

- 107 síðartalda innlausnarskylda allra þeirra viðskiptabóka, sem í umferð eru og lög-  
6. júní giltar hafa verið af stjórn hins fyrirtalda, og sem með samþykkt þessarar reglu-  
gerðar verður niður lagður.

### X. Hvað úr gildi fellur.

32. gr.

Með staðfestingu á reglugerð þessari fellur úr gildi samþykkt fyrir Sparisjóð Vestur-Ísafjarðarsýslu, dags. 14. marz 1896, og síðari breytingar á þeirri samþykkt.

Reglugerð þessi staðfestist hér með.

*Viðskiptamálaráðuneytið, 6. júní 1940.*

F. h. r.

**Jón Guðmundsson.**

*Torfi Jóhannsson.*

- 108 **Staðfesting ráðuneytis Íslands á skipulagsskrá fyrir Skógræktarsjóð Búnaðar-**  
6. júní félags Sveinsstaðahrepps, útgefin á venjulegan hátt af dóms- og kirkjumálaráðherra  
6. júní 1940.

Skipulagsskráin er þannig:

## SKIPULAGSSKRÁ

fyrir Skógræktarsjóð Búnaðarfélags Sveinsstaðahrepps.

1. gr.

Stofnfé sjóðsins er 500 krónur, sem Búnaðarfélag Sveinsstaðahrepps lagði fram til minningar um 75 ára afmæli sitt hinn 16. okt. 1938, og kom til geymslu og ávöxtunar á Sparisjóði Húnavatnssýslu 11. nóv. 1939.

Tekjur sjóðsins verða: Vextir frá þeim degi eða vaxtahluti af höfuðstólnum, gjafir, áheiti eða annað, sem sjóðnum kann að hlotnast.

2. gr.

Markmið sjóðsins er:

- að glæða áhuga Sveinsstaðahreppsbúa fyrir skógrækt;
- að hrinda af stað, svo fljótt sem auðið verður, gróðursetning trjáa, í sem stærstum lundi innan Sveinsstaðahrepps;
- að efla og viðhalda trjágróðri innan sveitarinnar þegar hann er byrjaður. Aldrei má nota sjóðinn til annars en þess, sem tekið er fram í a—c-lið þessarar greinar.

Sjóðinn skal ávallt geyma í Sparisjóði Húnavatnssýslu.

3. gr.

Stjórn Búnaðarfélags Sveinsstaðahrepps er jafnframt stjórn sjóðsins. Hún skal halda sérstaka gerðabók fyrir störf sín viðkomandi sjóðnum, og rita í hana skipulagsskrána og fundarályktanir sínar. Hún semur reglur um styrk af sjóðnum, telji hún þess þörf. Ennfremur hefir hún á hendi fjárreiður og reikningshald fyrir sjóðinn og skiptir með sér verkum.